

南
漳
子

光緒七年五月錢唐
丁氏竹書堂重刊

南漳子序

錢塘以西湖著西溪非其匹也然士大夫諳習典故者乃往往言西溪以宋之南駐蹕錢塘當是時禹航洞霄祀典甚盛車駕嘗臨幸往來必取道西溪故雖形勝不得不讓西湖而其名特見於傳紀者則南宋之爲也河渚在西溪之北古之南漳湖當天目萬山下流之衝瀦爲巨澤蛟蜃之所出沒逮東漢靈帝熹平元年餘杭令陳公渾開南上下兩湖以蓄淫潦捍之以橫塘洩之以斗門水之來也勢緩而力分南漳湖之受水亦益少水漸殺土漸出伏而爲灘突而爲

南漳子篇序

一

洲民乃得依之以居河渚自此名焉然皆星分棊布廣袤未有及里之半者今每一地則兩水夾之數蕩環之湖之遺跡可徵也路非舟莫達人非農勿事地狹而瘠無良田桑竹葦魚之利樂歲易粟粗足以自給倚水爲城境絕孔道比閭寡千金之家兵革寇盜之所罕及明季避亂於此多無恙而習俗朴魯少文不慕仕進子弟就塾率十五歲罷就農訖河渚二十里間無罷民亦無達人雖與西溪地相錯風景大抵相上下非若西溪之讓西湖而其名差晦於西溪者鮮文學之士爲之表章也余自先君子移家河渚今

五十年矣不農不儒玩日愒時徒冉冉以老有問西溪若何謹對曰我河渚人爾又問河渚土風若何物產若何名勝藝文若何於所不知瞠如也今乃得讀南漳子二篇河渚篇上西溪篇下辨嫌疑別同異也於西溪則詳者畧之於河渚則畧者詳之微顯闡幽之意也以水害始以水利終民生之安危休戚莫大焉思患而豫防憂深而慮遠也紀 宸遊父老得以覲 天顏山川得以承 帝澤一時之曠典千秋之盛事不敢略也詳村落所以奠疆域也覈民風所以正俗也記物產所以厚生也旁及探梅志勝蹟也網

南漳子篇序

二

羅載籍繇歷千百禩原地名之所自起稽古以信今也表僻壤之非陋幸典型之僅存於是乎述藝文彰隱逸禮有功德於民則祀之且有其舉之莫敢廢於是乎秩廟祀次梵述一方紀載必注以全力獨出偉論皆大有關係綱明而目舉事實而辭文然則南漳子表章之力豈徒河渚賴之唯西溪兼受其賜矣南漳子固名宿曩歷試草百篇不脛走海內嗣益疏經訂史囊括百家厭城市囂構居河渚之沈家灣西溪其對岸也梅數樹屋數楹聚書數萬卷日哦其中稍休則偕山農野老課桑麻占晴雨訪其軼事徵諸舊

聞折衷以新意二篇之作計南漳子居河渚時才五
歷年所耳五十年河渚人讀之能無愧耶抑蒙有詒
焉篇載南漳湖一條謂南湖之水泛溢錢塘其水來
有舒疾其流如漳水之一清一濁然故以南漳名其
湖南也者海之南也南漳子者自謂也夫南漳子志
潔而行芳岸然不屑庸俗伍河渚之追風其流則少
衰矣推移清濁之間非其好也顧以南漳子自號且
以名其篇何居其有投竿之意乎南漳子笑而未答
也錢塘沈繹祖晴川拜撰

南漳子篇目

上篇

原始

河渚

蒹葭里

渦水

古南漳湖

宸遊

紀居

村落

南漳子篇目

下篇

西溪

探梅

梵迹

土利

水防

南漳子篇目終

南漳子卷上



河渚孫之駮晴川



原始

夫水五行始也發源名山流成江河歸墟四海汶瀾澄而見德決波湧以作災

昔帝堯遭百六之會洪水懷山襄陵下民昏墊神禹治之奠高山大川決九川距四海憫彼蠻方澤國作西海險塘

洄水絕而不流太伯竄荆蠻文身斷髮以象龍子使不見害

南漳子卷上

一

始皇浮江藉柯渡海渚至於錢塘臨浙江水波惡從狹中渡過餘杭上會稽祭大禹立石刻頌秦德

餘杭苕溪受天目萬山之水每秋水時至衝決潰注於三郡杭嘉湖而錢塘首受之東漢靈帝熹平元年陳

公渾來爲令爰開兩湖以爲水豬並溪者曰南下湖環三十四里並山者曰南上湖環三十二里共一萬三千七百餘畝空湖東南作五畝塍增置陡門以分殺水勢錢塘之民漸得平土居焉

蓋唐以前自杭至嘉皆懸流其南則水草沮洳以達於海故水則設閘以啟閉陸則設棧以通行古胥山

碑謂石棧自錢塘北抵禦兒之口乃其證也至今有斗門石門之名然其跡湮於阡陌久矣

河渚

漢仲長子光字不曜隱河渚間守令來謁託以瘖有請道者書老易二字示之此河渚所由名與
水中小洲曰渚河水地狹每地一條則左右蕩夾之地不盈畝而蕩袤六七間有闊數畝者亦人工積漸所至非其本然
土唯出茶然河地味薄不如山地味厚而芬芳襲口
村人有採二三茶至四茶者則更索然矣

南漳子卷上

二

竹唯早筍盡春三月

有蘆蕩出蘆二種一織蓆一作蠶簾土人曰懶花息謂不藉耕種而穫也

無田可墾則穀無從出每以茶筍易米

外此養魚育蠶以蠶之分數多寡爲憂喜焉故家有半年計日之糧無卒歲盈餘之儲若婚嫁集之催科迫之則無所稱貸爾

吳梅村題河渚圖送胡彥遠南歸詩曰馬背話江南
春山吾負汝白雲能容人猿鳥不我與西冷有高士
結廬在河渚讀書尙感激平生慎推許獨坐長微吟

清言出機杼秋風忽乘興千里長安旅同好四五人
招尋忘出處寄跡依琳宮雙松得儔侶雖入侯王門
不受公卿舉登高見遺廟頽然竄鼯鼠悲歌因臥病
歸心入春雨從此謝姓名問之了不語我爲作此圖
彷彿梅花墅蒼然開南軒飛泉落孤嶼想見君山中
相思日延竚

又送彥遠南還河渚云匹馬春風返故林松杉書屋
晝陰陰猿愁客倦晨投果鶴喜人歸夜聽琴我有田
廬難共隱君今朋友獨何心還家早便更名姓只恐
青山尙未深

南漳子卷上

三

蓋其境岑寂以水爲村人蹤罕到故明季避亂者居
焉今則山溪豁然矣

余嘗謂河渚之不宜居者三

前此土風淳朴家皆自給村民有終老未入城市者

近今已來浮滑囂漓貧者游惰多爲穿窬盜竊

如邱家橋

之滿村皆賊其不宜者一

土不穿井村人但飲河水所宜者只深秋與春景耳
夏月炎風襲河無井可吸人多病瘡毛詩爰有寒泉
在浚之郊缺如也其不宜者二

土薄氣洩地藏弗固可暫處不可久居其不宜者三

蒹葭里

里人所宅也古者三隣爲朋三朋爲里蒹葭蒼兮露
零霜皚皚兮愁子伊人宛在兮水中居亦後人之錫
是嘉名耳

宋百詠題曰蒹葭
深處俗呼河水

渦水

水經有洞渦水渦洿也其地卑下水潦塵埃歸焉每
淫雨浹旬茗溪滂溢陸可挽舟屋中水盈尺然數年
一遇不恒見也

古南漳湖

河渚本湖也以南漳名者起何時與曰漳水有二焉

南漳子卷上

四

出大龜谷者清出鹿谷山者濁取清濁相蹂義也二
漳俱出上黨以入於海豈漳水有時至錢塘入江以
入海與非也南也者何也海之南也濱海之南故謂
之南亦憑臆之所度而非所詳矣然則何以詳之曰
天目之水注南湖湖不能容泛溢錢塘其水來有舒
疾故其流如漳水之一清一濁相間然南漳之名或
以此與

宸遊

自嶽廟至木橋過太平橋不里許爲高士奇莊
先帝車駕至西溪嘗臨其地

御製御書

士奇碑文

題西溪山莊以竹窗二字書賜高士奇

古
花源路幾重柴桑出沃土烟翠竹窗幽雪香梅岸

恭謝

天恩表康熙二十八年歲在己巳二月十日

聖駕臨西溪山莊

御製詩一章復蒙

書竹窗二字

賜

臣士奇竊

臣一介豎儒累叨

南漳子卷上

五

拔擢備員

紫禁出入

丹青異數頻仍史冊罕觀

乃者首春時邁慎簡

從官

臣

獲廁鵷班恭隨豹尾

行帷嚴衛宣對無時

御舸遊飛瞻依在咫尺如

蠲租賜復察廉懲貪講武觀文赦過宥罪咸秩

逮於禹陵展祀踐於明壟湛恩媿德蕩蕩巍巍

臣

恭扈從霑榮珥筆此真不世之寵光千秋之

曠典也

臣

去家二十七年

內直十有三載每

懷孫綽遂初之志未賦陶潛歸去之辭舊業西

溪荒蕪已久况一椽容膝半畝安身卽或臨眺

偶過烟霞可賞譬彼羹藜飯糗莫喻大庖刈蒯
漚麻詎方纂繡豈敢冀

至尊之垂盼 法駕之辱臨哉伏惟

皇上五教敷洽時厯其咨萬邦懷和尙殷

清問山光滴翠不駐 鸞車湖水拖藍未乘 鳳輦

顧於觀風問俗之餘不憚涉澗披榛之舉止七

校於橋外鼓一棹於溪頭

臨幸荒莊真誠隆遇梅含殘雪驚御飄香竹晷深陰

當天忽霽桑麻雞犬都被

皇仁水石林亭均霑

南漳子卷上

六

帝澤登樓延賞臨沼清吟

睿藻繽紛

宸襟遐暢

寵頒二字巖穴藉以增輝

恩沛五言闌檻因而改色驚花亂點馴鳥平飛村墅

周迴父老歡聞竊嘆池臺左右風雪倍覺助人

翠罕雖旋祥烟不散自昔鑑湖一曲尠奉巡遊西

塞半灣未瞻鹵簿具茨在軒皇之駕河上屈漢

帝之車以古方今光榮懸隔惟有感激徬徨誓

糜頂踵仰答

高厚於萬一而已臣謹將

御製詩章伐石恭鐫昭茲來許復將

皇上駐蹕之亭勒名

宸覽以紀不世之遇云按高莊本在西溪而列於河渚者在余居之對岸也

打魚池本沈氏蕩週數畝今村民曰

御臨池在今太平橋之北

紀居

錢江之義同里先君所建宅也先君字公石嘗贖男婦十數口使還其故里

里置羊角埂菱田以供婁家山滿覺荷春秋二時公祭方輿勝覽曰禮部貢院

在觀橋西卽舊居地余生長焉

南漳子卷上 七

今居泉亭之南漳湖鄉名曰沈家灣謂水至此環曲而回灣也土人云舊不通舟萬厯間沈氏開濬始達西溪不知水聚室盈水洩財去故今沈氏零落不逮往昔矣

村落

包家帶徐家帶段家帶洪家帶魏家兜張家村周家村駱家莊以姓名

大樹下茶花樹下以花樹名

深潭口非舟不能渡聞有龍潭深不可測

千斤池池深廣長互里許漁者日可得魚千斤或云

慕天顏爲錢塘令出千金買魚放生故又曰千金池
每秋月澄朗常有神魚出沒波上天矯如龍大不知
幾許近時無有上有雲溪菴七命云右當風谷左臨

雲谿義取此與

康熙三年慕公建俾佷挺禪師
居焉佷師俗姓徐氏仁和人

蔣村沈晴川居有七桂樓晴川工古文詩卓然成家
楊樹泉泉自樹根出河淺可汲水深則淪沒于河

曲水庵古清化寺舊址

崇禎元年雲棲古德賢法師
所勸基從水築非楫莫尋嚴

調御題額曲水又
題古先生之廬

蘆菴在曲水菴右古正等院舊址咸淳志宋紹興中
侍衛馬軍司所立菴中有白寶珠茶千葉杜鵑花明

南漳子卷上

八

萬厯初僧照空重建以菴構蘆中因名蘆菴董宗伯
其昌題曰交蘆謂根塵識三者都無實性同於交蘆
也

秋雪菴本宋資壽禪院咸淳志宋潼軍節度使所立
也明崇禎甲戌靈壽寺僧智一智洪居焉庵水周四
隅蒹葭彌望秋時如雪蓋取唐詩秋雪濛釣船之句

陳繼儒
所題額

吳選部本泰莊在蒹葭里近秋雪曲水等菴今莊屋
傾毀不復存有秋雪八詠曰仙島蕩幔蘆港秋雪灘
蓮花幢楊柳城蒼荀籬護生堤彈指樓但巧立嘉名

初無實諦

蔣相公廟在千斤池北廟三楹祀神曰宋三殿蔣相公神名崇仁杭郡人廟之傍曰拈花室曰水竹居廟

在河渚者附於村落之末然不悉載也

余埂梅今無

魏家兜梅林數千株景趣蕭遠徐狷次云梅英粲然瓊瑤比潔沈晴川云春時一望鮮白如飛雪所謂白玉之白與白雪之白是猶公孫龍堅辨白馬之名爲白矣

邱遜翁河渚紀勝一篇今摘其數句云河之渚精舍

南漳子卷上

九

花村星分雲合景有餘閒人無雜踏彷彿避秦之桃源疑似藏舟之巨壑恐今時未或然也

南漳子卷上終

南漳子卷下

河渚孫之駭晴川

西溪

九域志錢塘一十一鄉南場北關安溪西溪四鎮
宋建炎三年七月升杭州爲臨安府築行宮於鳳凰
山仍錢氏之舊也始進西溪之圖帝覽之曰且留下
故溪有留下之名俗稱樓下
西堰水口曰秦亭山山高百丈周三里相傳秦始皇
駐蹕於此志云西堰橋山可以望海是也又秦少游
嘗築亭其上自此沿山十八里到鎮皆南宋輦道

南漳子卷下

一

下有村曰古蕩有上下馬塍多藝花木有屠墟廟祀
漢劉璋唐末吳俗喜種花西湖亦有花塢號西馬塍錢忠懿王從兄仁傑擅其業所栽多異品
王穉登古蕩詩云路曲橋斜古樹邊紅妝小婦慣乘
船閉門防虎不防盜蓄水種魚如種田

白兔泉在秦亭山下碧峰在秦亭山西有佛慧寺下
有碧沙泉

報先寺在佛慧寺路北諺曰千年靈隱八百報先蓋
唐寺也或曰吳越王建

北爲洗馬灘唐人洗馬處

有唐鐵林關今亡其處按唐設關二十有六鐵林未

聞有也

將軍頂山舊傳有石門內積甲藏焉今惟石壁峭然無有門焉者

又西二里爲桃源嶺有方井相傳王方平飲此井故

名井是桃嶺別派徑六尺深一仞玉折地湧不涸不盈宋博士米芾題扁歲久亭圯明里人王槐重修

大司寇洪鍾補書方井桃源嶺五字于前後進士鄧鑾記

又西二里曰法華之山延袤縣邈多茶樹梅花筍竹

天啟間有法華山僧眞一著梅筍二譜其筍譜有豬蹄紅鰻芽白哺雞鷺鷥青尖頭青毛筍邊筍雷山筍紅筍等目并論鉏刈灌治之法備焉

其西南陬則法華庵晉僧誦法華經有雉馴聽階下

南漳子卷下

二

厥後受生爲僧弟子號法華師

法華山之南龍岡蜿蜒猿扳蛇折三陟三降可四百丈許凌虛拔峭孤聳碧落者曰北高峰言峰至西湖之北面最高也其附石級而登者三十六彎志云上

有唐天寶間塔咸淳中止存三級順治庚寅盡圯頂有望海閣今廢王安石詩飛來峰上千尋塔聞說雞鳴見日升不畏浮雲遮望眼自緣身在最高層

北入廟塢中爲岱嶽行宮雲木蔭翳靈風肅然百咏注云前著衣亭後梳妝樓兩廡七十二司威儀甚盛碑云自宋以來五百餘祀湧甘泉以療疫感異夢以

募修每三月二十八日鼓舞賽神遠近士女麋至
金魚井亭三間跨輦道而翼然
傍有金魚井

又西二里曰龍歸鳴高宗如臨安幸洞霄宮天閑靈
物自輦道中竊轡入鳴因改清化寺爲龍歸院故佛
印禪誦之堂也

得仙橋紹興間有老翁朱姓者不火食能前知修然
坐橋而化橋跳小澗以仙翁得名

又西四里爲法華亭洪瞻祖志云華亭憩道爲行者
憩止處

南漳子卷下

三

又西二里曰石人隴石人嶺之支也吳大帝石杵存
焉嶺半有石儼如人立故云石人

有神仙宮山一名道院安前有晉咸和僧慧理夕照
庵安前之名特與裴墩董竈並著厥義未詳宋百咏
詩云年來青鳥碧桃花築室安前卽是家玉貌星冠
隨絳節雙成不及魏無瑕

宋端平間女真魏無瑕築室隱此

塢口爲九沙遡溪流而上漁陂牧野水陸蟬聯南朱
車駕入禹杭洞霄宮道也

溪北皆田也浮溪而南則前華亭石隴正與橋園相
對橋二曰仰家橋栢家橋園三曰仰家園栢家園方